

密縣志卷十三

賜同進士出身候選知縣前國子監學正武進謝增

賜同進士出身知縣范子科河南鄉試考官官與候選長官景綸

人物志

忠烈

漢

常十

古碑云密人世傳漢光武遭王莽之難常氏兄弟十人隨之莽圍急兄弟謀代死其最少為常十者曰我貌頗類斬吾首獻之可免也如言圍解光武即位為立報恩寺並營其墓後九人皆列葬其處

密縣志卷十三 人物志 忠烈

明

郭光斗

流寇破城挺身殺賊勢危自刎妻鄭亦縊以殉

魏登科

通江典史追賊二百里外歿于陣撫按題請立祠

魏持衡

光祿寺卿兼鴻臚寺事明史忠義傳作太僕卿崇禎十四

年里居城破殉難

馬體健

字天行舉人闖寇圍密食盡體健捐貲餽士卒及城破被執與子驥俱不屈死見明史忠義傳

王家徵

性英毅值流寇渡河年裁十七輒收攬隣族築砦堅守善以寡敵衆出奇制勝保障一方寇不能犯崇禎壬午冬以保境功授守備銜甲申正月聞寇犯京師忠憤激烈約舉義旗勤王怒氣冲肝嘔血而亡時年僅二十七

陳 璜

闖賊陷密死難

馮昌期

舉人城破墮南城下死於馮氏祖塋

傅興朝

逆闖攻密率鄉勇守南城城陷死於塋

密縣志卷十三 人物志 忠烈

孝友

元

胡伴侶

父患心疾數月幾死伴侶焚香籲天以所佩小刀割左脅膚脂一片煎藥以進遂瘳詔表其門

明

程 鰲

幼喪父事母最孝母疾割股肉和藥以進母卒負土成塚廬其側三年哀聲不絕塚上產靈芝三莖嘉禾一本三穗詔表其門

馮時通

家貧木工爲業竭力救水有孝名母疾割股進之愈上官旌其門

陳經

事久不可考大隗鎮有坊顏曰孝行

閻中傑

父病割股和藥進遂愈兩院旌其門

程雲路

父病醫不能療雲路焚香願以身代割左股和藥餌進縣旌之

李明孝

母魏氏病革祝天割股和藥以進病遂愈兩臺旌其門

密縣志卷十三人物志孝友

李成教

母病久不愈成教夜夢神曰股肉可愈既寤遂割以進母病立痊兩臺旌之

楊晉

邑增生父故事母孝舌耕於外有譏其妻不孝者遠出之後事白乃復合

韓繼周 繼閔

明季城破防護父旁父揮之使遠去二子號泣不忍離賊至父驚卒二子皆遇害

魏候

蟠之 母歿卧柩側歷七年柩畔生芝父歿負土爲墓廬

居三年有烏鵲集其巔赤蛇蟠其下其孝感如此

楊孝

字希舜生八月而孤母朱割耳矢志孝少奉母教或語及母苦節事輒涕泣不能言母卒哀毀幾滅性及葬負土築塚廬墓三年後爲鄒縣丞以清慎著次子維清父故亦廬墓子孫五世七歲貢

陳邦寵

親歿廬墓側每日抱土封塚哭拜足跡不至家者三年祥雲結聚墓上雉兔馴擾直指使者稱爲純孝萬曆中旌表

國朝

劉清

密縣志卷十三 人物志

孝友

四

父病割股兩臺旌之

端木世奇

性至孝二親繼逝負土成塚日夜號呼廬居三年縣旌之

蔡光遠

邑諸生字子厚國翰長子事父母孝及失恃痛不欲生忌日尤致哀慕然恐傷父心每背地飲

慕韶

字心虞廩膳生性至孝少孤事母朱氏出告反面飲食必親爲檢點母病供湯藥晝夜不離側倣古人嘗糞甜苦以卜瘥劇又每逢元旦必爲文告神祈促已齡延母壽後母果享年九十九韶哀毀逾常服闋亦卒

周 郁

字伯雨增廣生父得癱症支離床褥郁侍湯藥晝夜不解衣父稍愈每出入左右扶持歷十二載無懈容後事孀母頃刻不離母念家貧命舌耕他鄉每當飲食輒泣下遂辭歸母子聚首菽水承歡朝夕之間融融如也

郭文怡

年十三母病奉侍湯藥晝夜不懈母歿撫三歲弱弟哭泣柩前飲食不進里人爲之感傷事父承顏順志惟恐或違父逝哀毀骨立子元陞舉人

楊名揚

父客聞不能歸名揚年十五乃學算卜以資路費歷關津

密縣志卷十三 人物志

孝友

五

數千里往省之三年中往返者再後聞父病歿徧籲諸親族得斧資晝夜奔馳負骸骨奉母携妹以歸子爲熬菽貢生

陳 健

性孝友少孤家貧竭力躬耕以供甘旨惟恐失母氏歡母病湯藥親嘗晝夜不寢呼天願以身代母病果愈

李興隆

家貧針工度日父歿於南方興隆裹糧徒步涉險數千里負骸以歸撫臺雅 旌其門

周 梓

性至孝母積 氏患喘急聞禹州有良醫馳往邀之值頰水

暴發人不敢渡梓至向河號泣水驟退丈餘人驚異之兄相宰湘陰時家貧不給梓赴湘告急至任未幾憂神語曰汝父大病將歿于某日卽馳歸父病已不能言向枕號呼父忽睜目曰兒至吾無憾矣卒如夢言

項臨禹

二歲時父歿于亳州惟母是依稍長赴亳尋訪果于古廟得父柩負骸歸葬知府柴給孝子銀牌獎之

張九如

本馬姓爲王村張氏養子義母孟氏所生子蕩于外九如傭力奉養無缺

張漢傑

密縣志卷十三 人物志 孝友

字同三事親至孝樂善好施

李曰曉

字東陽邑庠生性孝友慷慨好施弱齡遭親喪葬之口縱身投墓中幾以身殉宋氏姊貧分田三十餘畝以養之復教其子使成立又有族人與同里任姓少孤貧皆授之田

王楷

字端木少貧性孝友撫兩姪及女姪如己出及卒姪亦哀痛持服如所生人稱孝義萃於一門

陳光遇

字季侯廩膳生篤孝友家貧親老傭讀以養五十歲依依親側若孺子焉親歿上有三兄敬之若嚴父謹言慎行哇

步必端學者仰之

韓果昌

果字若木昌字世五俱繼文子果童年時密城陷母錢氏罵賊殉難事平求母屍不得嚙指濡血始得認母骨哀號泣血死而復甦者再以恩貢秉鐸南陽上蔡皆能勤其職昌少孤事孀母孝每逢親忌必齋戒涕泣哀慕終身工楷書

寇國順

字承天太學生生三月而孤痛母蘇氏苦節恒以不獲顯揚為憾後母旌表乃流涕曰吾母行傳吾心稍安矣每屆春秋祭日距城五十餘里必先期齋戒具衣冠赴祠三十

密縣志卷十三 人物志 孝友

七

餘年不懈乾隆間節孝祠圯首倡謀新

王作梅

字百和國學生性孝友析產不計肥瘠喜助人婚葬有爭競者經剖決即帖然服

張廉貞

字介石增廣生性孝友家庭講然秩然又能排難解紛輕財好施

劉德行

字子鸞邑庠生劉先十三世孫也家世忠厚醇謹好禮數世同居庭無間言有張公藝之風

陳登

性孝友足跡不入城市平生無怒色威容與人無爭競亦不道人是非壽九十二

朱正

里黨間有休聲奉憲賞給善人銀牌

周永寧

邑庠生字敬五事父母恪盡子職處世接物義氣慷慨有古人風

周鴻道

廩膳生有至性成童失怙有季父二年相若事之如父事兄亦然兄沒遺孤二撫如已子處世謹厚未嘗有競心子訪禮舉人

密縣志卷十三 人物志 孝友

八

樊惠渠

邑庠生其處家也孝友慈祥其處世也忠厚和平安貧樂道嘗書銘於座右曰人世豈無義外利我生自有命在天可以想見其為人矣

周積功

字緒遠增廣生性孝友著家訓三十條皆以身作則率子弟躬耕卽於隴畝說詩書中年喪耦或勸繼娶曰年逾四十娶處女誤人一生吾不忍娶孀婦使人失節吾不爲也又著五白得序培子弟說

冉溶

字文祿性孝友其家勤儉有法遇鄉隣貧乏者周之不遺

餘力

韓仁

母病奉侍湯藥晝夜無倦色病篤乃夜奔三官廟焚香祝禱割股煮湯進之母遂愈

傅松

孝謹性成事親色養少喪母葬後朝夕設饌于墓哭泣盡哀者期年恐傷父心不令知也

徐大相

八歲喪母及長念父鰥居同弟大業屢勸續娶父不許相善事父得歡心人稱孝焉

韓廷選

密縣志卷十三 人物志 孝友

九

父病割股和羹以進遂愈

王廷英

孝事孀母母久病不思飲食英恐不起禱于神剖右膂肉爲餽飽母食兩枚而愈舉家不知也夏月脫衣力作見其痕固問乃知之

張作極

邑庠生事親怡色婉容家庭之間融融如也父病瘍凡浴瘡敷藥必躬必親衣不解帶九十餘日無倦色事二兄恭敬純篤終身如一日孫基永貢生母嘗患鶴膝風輾轉牀褥七年基永屏絕人事奉侍湯藥衣垢不浣人罕見其面日夜研究醫術自製方藥母疾竟愈其持身嚴正門下士

多勉以敦行力學曾孫惠洽舉人有文行元孫紉芳以舉人教諭洛陽

司萬忠

母寇氏年八旬卧病三載忠晝夜侍側湯藥必親嘗而後進一日母思魚時天旱水減購之不得乃跪水濱祝之聲淚俱下忽羣魚跳躍一舉九尾人以爲純孝之感

郭元長

字乾一邑庠生性孝友繼母患癱疾元長晝夜不離左右衾枕不就者二載繼母故不食酒肉不入內室女兒貧元長養至老卒葬從厚精岐黃人稱國手

樊士楷

密縣志卷十三 人物志

十

八歲隨父克惠避荒至陝父病乏食丐以養之父故典身買地以厝寓陝十餘年卒負父骸骨回時嘉慶五年值教匪亂潼關路梗迂道獨行徒步冒險歷一千四百餘里

趙瑗

習陰陽術父病篤嘗父糞喜曰無虞也味苦果愈

秦楹

字樹丹邑庠生事母至孝母病癱衣不解帶者四年母沒亦哀毀而卒

尙超

字越衆武庠生事嗣母孝妻孫氏小善承夫志割股療姑超兄弟五人六世同居好善樂施解紛排難孫溝百餘家

不與訟皆超之力也

王振

性至孝母疾割股以進母卒悲哭過痛久而成瘋自縊死

周同文

字衡章廩膳生少失怙家貧得甘旨必進母居母喪不入內室不食酒肉每祀先必流涕鄉里稱其孝因母病習岐黃無貧富輒往不受謝著傷寒辨症詳說

雷天佑

母病思食肉家貧不能得割股以進三日母病瘥

劉檀

字馥堂邑庠生性孝讓偶適太康聞父病號泣歸家晝夜

密縣志卷十三 人物志 孝友

十二

奔赴及父卒痛不欲生每教讀至父母在不遠遊章卽放聲長號田產盡讓諸弟鄉里有兄弟相爭者人輒諷之曰盍效劉馥堂

周翹

字鵬萬母寇氏甚畏暴雨及沒葬南郊三里許每遇暴雨翹必奔墓跪哭候雨止乃歸凡有大事出入必至墓前稟揖訓孫寬讀書每講孝經一篇輒淚下不止

裴天眷

字承思母病疫家人恐傳染不敢久侍天眷獨奉湯藥不暫離左右母病遂愈其子紹夔字宣著父未葬遭火災以水沃棺且沃且號追衆衝火昇棺出而背已焦爛不知痛

王義

字心裁性和厚父疾晝夜侍床褥不脫衣而眠者十年母老惜憤事亦如之處兄嫂無間言怡怡如也

陳景揚

割左股療母病遂愈

韓之弼

增廣生字富公繼文孫性孝友善居積置田數頃當祈箸曰同居無私財遂公分之兄弟皆固讓終不肯受兄老病且貧迎養之對案而食歷十年如一日

王作梓

廩膳生字公弼性孝友析箸後復分給幼弟產常賙卹兩

密縣志卷十三 人物志 孝友

十三

兄無德色解紛息爭里中賴之

張玉成

字佩璋邑庠生性端慤析居後復以所分產四十餘畝資弟使專心誦讀兄弟友愛終身如一日

郭應元

字台三邑庠生家居孝友兄病應元年六十餘矣躬親藥餌無倦容修理學宮董其事捐資重建浮山雙橋行人便之

王信志

析居後兄產中落衣食無資信志迎養之饗殮必共兄未至不敢先食所居曲梁東西兩河冬日涉水維報信志捐

資修橋歷五十年不倦行者便之子懷能繼其志

楊洗

家貧分爨後能勤力家漸豐兄益困且老病無子洗盡心調治經紀其喪以子道盛嗣迎嫂同居供養無缺至今洗子輩不忍分居率其教也

陳國夏

少貧苦與人傭工積財置田頃餘念胞兄國春無產以其半給之又假立賣約以杜子弟之爭有丐者賣其子涕泣不忍別國夏憫之代爲贖回

陳筌

天性孝友其胞弟箸出繼念其田少以已產半與之事載

密縣志卷十三 人物志

十三

彭善傑中

張君林

兄弟五人各異居惟君林與少弟孝同爨後叔兄貧乏喪偶復與同居爲繼娶兄故撫養婚嫁其子女新增地畝皆均之

鄭增

幼失怙與弟塋力田度日年近古稀式好無尤室人子姪皆化爲敬睦焉

王世昌

性孝友家貧析居後仍殯葬兄嫂教養兩姪有從姪幼失怙恃撫養成立爲娶妻生子

李有智

兄弟析居所分薄田不及十畝努力耕種添置田七畝後兄弟不能餬口將所買田分給之嘉慶十八年大饑仍與兄合爨兄妻子女媳俱賴以全活

皇甫瑤

山西孟縣人家貧孤姪與子俱五歲值大饑瑤緝負就食他方途中力不支將子度為僧負姪去流離至密寓焉姪稍長亦勤儉不數年囊有資為姪聘婦生子病革顧姪嘆曰吾今乃可見爾祖父於地下矣瞑目而逝

鄭士賢 士俊

兄弟二人質性淳朴奉父命析居有地七頃兄讓弟多分

密縣志卷十三 人物志 孝友

古

一頃弟不肯兄弟相讓遂餘田一頃以脩公用

王伯泰

性孝友誠朴兄弟析居取其薄後兄業中落誣以分產不公泰將所分地十畝餘悉與之無怨色

杜寧

性友愛與弟分居數年及弟夫婦既沒家業盡落寧撫孤姪成立為授室并以田產器物與子均分

傅林春 林青

兄弟孝友林春日兄弟以非禮來者吾積誠以待之一次不悛至三五次未有不感動者林青曰兄弟分形與氣未有不同心者妯娌異姓相聚未有同心者以不同心之言

入同心者之耳骨肉漸乖離矣爲兄弟者不爲婦言所間未有不親愛者林春早卒林青事父母能色養教子姪有法終身不與姪析居子咸如丁卯中式

宋燬選

國學生事繼母以孝聞友愛異母弟明倫甚至

張文謹

兄產蕩文謹自儉嗇以養之兄過不悛文謹供給不怠至破其家不恤

韓世祿

性孝友有田六十畝以大半歸其弟曰弟五子我一子如此分吾猶嫌過也悉取宿負自任之而盡賣所分地以償

密縣志卷十三 人物志

孝友

十五

張璐

邑庠生秉性孝友義行可風父患癱症數年璐侍床褥晝夜不懈其周急恤孤事尤多

張作樞

邑庠生事親色養親歿友愛兩弟析箸後延師訓孤姪歲歉出粟數十石貸鄉鄰不責償

王國治

字平宇方正好義有隨母改適之從姪大有二有甚失所國治聞之招與同居娶妻復以產均分各得地一頃餘

馬基業

字肇域歲貢生父有養子愛如同胞田產悉與其之又懷

慨好施比隣資養者甚多著有岷陽詩集

危卜鰲

以忍讓傳家與同祖兄弟析居讓地兩頃恐子孫後有異言呈縣印約爲據

高瑛

性孝繼母前夫陳氏子失所瑛體母心招與同居立約與地五十畝又同胞姊適文氏家貧瑛亦招與同居立約與地二十畝子法堯與陳文二姓同居四十五年產愈厚遂繼父志另給陳地三頃餘給文地三十畝

牛育成

有姊適喬姓家貧甚育成體母意與地四十餘畝

密縣志卷十三 人物志 孝友

六

馬應詔

兄弟析居後兩弟業中落應詔以田一頃二十八畝令均分之

張瑞興

躬稼穡意氣過人撫從姪芳聲成立爲娶妻有田六十畝與二子三分均分

馬中選

十二失恃有適母所生姊適韋氏寡而貧中選十七歲遵父遺命給地六十餘畝

義行

明

王順牛全

正統五年輸粟各千石詔表其門

韓忠恕

成化十八年輸代粟銀各四十兩予冠帶不受

郭達

字伯羽舉人歷官真定同知性孝反治家有法居官以清慎著幼聘姚氏未娶而瞽達入泮女家議退親達謂其父母曰既字我即我妻也以失明棄之不義遂完娶後瞽女生六子兩沐褒封焉

魏尙謙 尙泰

尙謙前後輸粟一千四百石又建廣濟石橋施義塚崇禎

密縣志卷十三人物志 義行

十七

中旌尙泰輸粟二百石當事旌之

張守安

明末屢遭旱蝗富豪吞噬貧弱守安獨減價平糶以大升斗出之復折券棄債子問明號文武兼資

郭躍蛟

禮部儒士崇禎末土寇蜂起累年荒旱知縣朱敏汗繪流民圖欲上奏遍求民間無敢任者躍蛟挺身願行卒達宸闈密糧盡免闔邑共食其德至老苦貧日食不給有鄭州翟思忠遺銀數十兩於路躍蛟拾得追尋還之

趙國泰

喜助樂施恩洽族黨屢蒙各院旌賞

周維魯

諸生性亢爽鄉里有紛爭者輒出平之嘗拾任姓遺金袖還之

許文明

考職以主簿用聽選京師時弟文舉爲司獄適有邑人宋姓解官銀二百餘被劫邑人持批涕泣自分當死文明憐之與弟各罄囊資之不復索抵孫春榜見知高文襄以女姪妻之年七十時侍父食必親弟蕩費官銀爲鬻產以償父聞不平春榜怡然曰大人勿嗔田園易置兄弟難得也其行誼爲縉紳所推重

錢標梅

密縣志卷十三 人物志 義行

九

標字健吾幼治詩書隱刑椽間凡治獄輕重出入必佐以慈祥明季流寇充斥施阜地百餘畝與衆築寨據守衆以寨主推之固遂張問明總其衆而已左右調劑之遠近歸者數千家皆免於難延接名流輪蹄充牣有孟嘗之譽弟梅輕財好義晚年無子散萬金之產以資貧乏至今無有道其名氏者但稱錢少府云

錢安民

好施與掩骨瘞齒於洧水南岸施水陸地十畝建龍神祠於中四面開鑿龍池土人資以溉注又於洧之西徵地義塚八畝北嶺施義塚十二畝嘗夜過其地有羣鬼相語曰主人醉盍往送之遂以燐燈導至家如是者再

鄭思賢

字又齊家巨富調急恤難修橋補路不可枚舉明季闖寇之亂魏持衡嘗遺書勸以入城避難辭曰吾入城不難但恐吾去而一方無遺類矣乃不惜萬金築寨於岳村西南溝保護千有餘家今之魏寨卽其地也

國朝

李遐齡

字堯眉舉人陝西吳堡知縣敦內行篤友誼尤工時藝在京遇同年某病竭力調治以瘳復有謁選病故者傾囊資助遣人送其柩歸子元滬舉人湖南清泉府令孫雲癸酉舉人蔡希元

寧縣志卷十三 人物志 義行

九

性淳良無邊幅崖岸足跡不履城市與衆人處語言煦煦若恐拂其意每有借貸輒周之貧無以葬者爲置棺木一陶人受價二十千實無片瓦人曰何不索其逋曰窮工耳安忍其蕩產而畢吾債也

李維剛

字敦倫國學生品行端方精岐黃術多活人未嘗索謝病者路遠就醫必具食乃聽去子曰巖孫永昶俱登賢書

馮源

字百泉性孝尤樂善好施

閻澤長

字孔泗周民曾孫舉人里有盜其棗者僕獲之其人懼罪

出十金爲償澤長日以盜棗而利其十金是吾爲大盜矣
慰遣之有婦夜投叱之不去詢知爲某妻招其夫歸之日
諭以夫婦和好之道其行事多類此

翟住

字汝存端方正直慷慨樂施

錢喜夏

好談陰德自爲功過格日記所行鄉人化之生十子耕讀
量其才皆能成立壽九十上憲表其門

王士良

家貧瓶無餘儲出拾遺金四錠於道歸告其父逾月無覓
者後聞縣中比解役遂出首役得免罪縣令義而旌之

寧縣志卷十三 人物志

平

周日昌

字發祥候選同知明季土寇猖獗昌築寨洧南保障一方
盜莫能侵全活者甚衆時蘇姓數十戶亦避兵寨中盡售
其產於昌以給用平定後乃召蘇氏火其券曰吾前不受
券恐爾等不安食吾粟耳豈有乘危難利爾出產者哉悉
歸其田不取值

慕來泰

字大來增廣生品行端方精岐黃術家甚貧而不索謝病
者路遠就醫必具食乃聽去

張作楫

問明孫字方舟邑庠生端方簡重居常不出門喜讀朱子

綱目每對客談論至古今得失成敗輒拊膺慷慨族人或
鬻其子于西客作楫解囊贖之養于家及長能食力乃令
還

劉名卿

邑庠生劉先十四世孫有族弟貧甚其母死名卿爲置棺
予地給葬費佃戶欠租稞察其貧不能償者毀其券其他
義舉甚多

紀德

邑庠生叔父星辰貧無嗣德養于家星辰有田六畝德爲
人代耕積數年所收爲贖地營室立嗣完婚

陳新易

密縣志卷十三

人物志
義行

三

邑庠生存心任恤族姪松孤苦無倚新易爲之娶妻生一女
後就食宜陽久染沉疾妻女爲人奴僕新易破產辦貲復
爲完聚又置義塚於岐固寺左

郭永盛

鞏明孫鄉人欠西客銀數十兩催逼不堪永盛遇於省城
慨然代償之

任中麟

字伯祥家傳醫痘如神有求卽應槩不受謝貧者更捐藥
予之

楚選

父有螟蛉子視若同胞白首同居雍正九年歲歉出穀麥

以周鄰里次年有償還者不受又嘗捐貲首倡修理橋梁道路

馮裕昆

幼讀書長工醫好施藥餌平道路和睦鄉里教子義方

李學易

父亡與伯父同居伯父有子六人析產時學易例得其半念從兄弟之貧乃作七分均分平生好施與鄰里待舉火者頗衆有借貸未償者晚年悉焚其券

陳榮

乾隆四年數郡被水密多流丐榮視其無衣者衣之死而暴露者捐棺埋之鄰里之間濟急事尤多

密縣志卷十三 人物志 義行

三

陳日增

字萬福樂善好施凡貧不能葬無力完婚者輒伙助之

盧琇

輕財好善常以修橋補路爲事縣東石板溝東西要道也危石巉巖行人苦之琇首先倡捐修治平坦縣旌之

冉良臣

國學生性好義嘗施地於鄰減穀價出糶大其升斗有鄭州同宗冉永曾未相識也在煤廠染病幾死良臣聞遣人扶歸調養至大愈送歸新鄭民楊輅夫婦逃荒至密願投身爲僕良臣不從周恤之其子鬻於鞏復爲贖回養其全家至來歲麥秋遣歸夫婦感泣欲絕

張星煜

字光辰邑庠生事親孝年已耆艾依依膝下有戲彩之風其賑貧恤孤諸義舉尤多撫院雅旌之

王法

從兄典家貧欠陳氏債不能償陳氏控官法醫已產以抵又從姪庠生積誠貧甚量撥與地以資膏火

馮廷弼

家世忠厚力田好施貧不能婚娶者常俵助之撫憲給善人銀牌獎之

來百工

胞弟百和蕩其產且喪妻百工召與同居代爲續娶所有

密縣志卷十三 人物志

莊產與之均分

張如修

國學生字永叔樂善好施和氣迎人又精眼科求醫者如市

竇宗程

忠厚積德每歲必蓄藥材濟人又嘗施茶於道以便行旅

張時行

吏員善承父志捐施棺木里人頌之

李堯

多善行乾隆七年修卓坡及小頂路又於龍門口施茶數年行道感之

孫建業

少好醫學常以濟世活人爲心鄉黨有病恒施藥療治不索謝縣旌其門

王進彥

素行好義於城西草廟倡建茶亭置施茶地行人便之

樊洧

邑庠生性寬厚好善有受業者不問修脯精于醫活人多概不索謝值歲大饑瘟疫盛行洧年八十餘爲人療病朝夕不遑適道左拾遺錢五千立俟其人還之

樊卜鰲

字瑞生邑庠生仁厚喜施嘗折券棄債隣人被訟牽連執

寶縣志卷十三 人物志 義行

十四

田契求售卜鰲曰乘人危難而利其產不忍也反其契贈錢數十緡子德元廩生品端學優乾隆二十二年東數郡被水饑民逃至本境德元煮粥給食全活甚衆

孫顯宗

七世同居家口百餘男耕女饁無私財雖兒童飲食亦必同器有不至衆皆俟之

周維翰

增廣生有貧人至其門寒衣之饑食之告糴不問價足否立與之子邗亦好施卒葬時弔者多不相識拜奠哭泣不言其名而去

朱三元

邑庠生朱正之孫善岐黃活人甚衆不受謝有姊適寇氏家貧日蓄三元招其全家同居十餘年

陳秀儒

字君寵喜施濟尤惇族誼有族人四幼皆赤貧悉與以居處爲之成室嘗云鄰里貧乏尙宜周恤况同宗乎

梁倬

少貧不受人周恤言無虛諾後家稍裕乃慷慨好施乾隆二十二年杞饑就密食者無數輒出粟施飯全活甚衆

王彥方

國學生族叔聘年八十餘值歲大飢供養無缺更爲其二子成室又族兄守仁老而貧與莊基一處草房數間常周

密縣志卷十三 人物志 義行

三五

卹之

王雲露

好善樂施人有釁端必委曲和解製施丸散四十餘年

王典常

邑庠生人品端方家僅中貧凡四鄉有志來學者不受束脯弟子有貧乏者輒給書籍筆墨成就甚多

周維則

字永思邑庠生少失恃乳於嫂長事之如母念嫂恩未報以已應得田二頃五十畝半與姪慮後爭端將分單呈縣用印邑侯奇之曰報恩仁也讓產義也可以風矣孫文重舉人

周文彩

字昭齋忠厚和平遇貧寡賙之無德色歲饑每召里中餓者同食一日召其不至乃其父卒不能具棺將藁葬於野文彩聞之亟往曰汝父卒胡弗告無棺余不忍也為買以葬

周彩如

字宣五國學生忠厚喜施乾隆五十一年饑日以粟數石飯餓者里多積欠悉焚其券

司彪

字文蔚篤義行乾隆年間歲大饑罄家糧不給復出百金糴穀以濟子二獲祿獲壽獲祿字在中能承父志為王氏

密縣志卷十三人物志
義行

三

姊置田五十畝以慰親心有馬姓茹姓負欠數十金百餘金者悉焚其券

馮汝

字在齊忠信鯁直喜助樂施

于克念

字作聖喜施收養從兄弟數人并孤貧族人為之成室

劉柔遠

字定齋國學生劉先十六世孫少孤慷慨好施有羅姓佃合家死於瘟者七人皆給以棺并予地葬之

魏作舟

性慈愛乾隆二十一年歲饑積穀十餘石盡散給貧民有

償者不受

馮大勇

邑庠生慷慨尚義有膽畧

李元愷

幼寄居尉氏縣路拾包袱內藏數十金後有程姓找尋原數與之

鄭鳳鳴

性孝友廉潔好善居壺瓶嘴當溱源之下流為滎汜之孔道每水退泥濘嘗積土木架橋以便行人又蓄風藥活嬰兒至老不怠

黃天經

密縣志卷十三 人物志 義行

三

字孝常孝友好施篤於宗族嘗曰吾家近世來不能如前代之高爵顯宦惟是尊祖敬宗展親睦族使大本無虧斯亦持身保世之道也其建立家廟修纂宗譜多出已貲

張世榮

立品清高精岐黃蓄方藥求無不應濟世活人不索謝亦無德色

鄭鐘齡

乾隆丙午大饑瘟病餓死者十五六鐘齡出家財賑濟全活者百有餘家後挾資至郊縣逢邑人逃荒於路扶老携幼憐目傷心即慨然散其金提空囊歸

王耀先

字振聲國學生歲大饑散糧賑饑全活甚衆凡借貸有貧不能償者毀其券

王克良

字繼聖天性惇朴重義好施村西有賈峪鎮路徑崎嶇克良修石路二十餘磴至今人便之

陳耕

字耨齋國學生孝友廉義鄉里推重

宋元

十歲時值歲凶爲舅牧羊其舅與定宋姓女爲室元知其同姓不從舅強之卽怒云狗豕事我不爲也事乃寢十齡童子能守義如此可以愧世之婚不避宗者

寧縣志卷十三 人物志 義行

三

宋琮

字子璧慷慨好義施地甚多觀音堂爲東西孔道舊無集市居民遼遠過客數被劫竊琮商之鄉衆移宋家寨集於此又於集東穿井一深二十丈人便之又修懷慶薄壁鎮山路並石橋一座商民立石誌之晚年焚萬金賑薄有償者以不欠辭

孟賓

字客卿正直無私好義樂善嘗以荒歲買僕婢後皆贈金遣之

李植

天性醇篤素以孝聞嘗建茶亭捐地十畝盛夏施茶以便

行人

岳 禎

收養族姪德江分與產業子德海承父志輕財好義有族
兄德成自外歸留之為娶妻共爨二十餘年無異同生後
分與地七十畝莊一處

郭行天

性慈祥仗義疎財歲凶於本村施濟窮乏又於炎夏施茶
數年不怠

楊道盛

字德茂疎財好義隣有高景楊妻閻氏少寡無依慨然割
宅收養之又殯葬其夫擇其近族老成者為之嗣歲給薪

密縣志卷十三 人物志 義行

三

米後閻氏以節終實道盛成之也

張永泰

國學生性好義凡戚黨有急皆周之嘉慶十八年歲饑有
婦人鬻女者母女皆痛哭永泰惻然以錢物資之泣謝去
次年麥收後母女登門謝償不受

周 鄆

字沂川國學生孝友好施精岐黃延請輒至不受謝

王國璠

字煥若貢生文得先正法設教密邑義學十八年凡生童
貧乏皆給以紙筆成名者甚眾

錢青錢

字淑章國學生慈祥好善施田開渠引月陂諸處泉水灌田五百餘畝村中賴以豐裕

張檜吉

字聖植國學生事親能養志兄弟怡怡聞於鄉里其僕女人有欲買爲妾者許百金檜吉笑却之曰此亦人子也吾豈因以爲利哉爲嫁良家不受聘儀

陳本良

字秉彝性醇厚事繼母孝嘗於路中拾布疋經月餘有李姓來認悉與之

張景賜

字父若附監生慷慨好施嘗設塾於家十餘載鄉里學者

密縣志卷十三 人物志

義行

辛

不受脯金待以舉火者十餘家

崔登庠

好善樂施撫養戚陳姓於家數十年去之曰爲置田數十畝莊房一所

陳大謨

字顯功國學生事繼母孝善瘍醫不憚勞不受值藥資不給每以室人紡績易之

張 璿

邑庠生輕財重義有滎陽李姓驅驢二頭至大陳鎮糶麥蕩其資不敢回夜欲自縊璿知急救之與以麥乃還

呂 律

字參六好善樂施建惠行橋親董其事

黃天池

字鵬南以孝友聞好周卹里黨賴以舉火者常數十家

金標

精痘疹嘗捨藥濟人有以其貧不能給難之者標曰凡人善行力可及一日則行一日安得以貧自謝也

馮蓋臣

字念葦國學生性孝友嘉慶癸酉密大饑捐銀百兩錢七十千穀百石以助賑

王漢

性好善施藥濟人數年凡三傾其產

密縣志卷十三人物志
義行

三

陳清化

字召棠增廣生幼游學新鄭於路拾布一捆十餘疋錢一千有王姓找認卽與之晚年舉約正抄

聖諭廣訓遍送里門朝夕勸諭訟端頗息又著指迷集以爲治家者勸

王加照

字順天收養族中孤姪爲娶妻生子并析產分之

吳九成

字心韶一日偶他出路有遺囊藏錢數貫守於路旁日暮失者不至卽携囊歸家後失主來尋與之

王廷邦

字建侯性剛直少孤事母孝折券不責償者六百餘千嘗
曰吾生平全憑天過年七十有七子孫蕃衍家屬六十餘
口同居共爨已歷五世

石大林

事母孝忠誠樂善五世七十餘口同爨無間

李天篤

少爲叔母所育後孝事叔母歷五十餘年如一口性好施
比鄰有郭姓者歲荒赤貧日給口糧賜恤之

王玉臨

字聖瑞素尙躬行價買一童年餘問其人無兄弟父母已
年逾五旬卽厚遣歸

寧縣志卷十三 人物志 義行

三

張彬

國學生樂善好施邑大饑賴以舉火者十餘家撫從弟妹
成立爲完娶遣嫁并分以地人稱張善人

王克明

邑庠生性孝安貧樂道不減否人物內兄傅祥雲遊京師
死焉子幼克明走千數百里迎其柩歸

錢言

七齡失怙事孀母孝勤儉起家好善喜施嘗焚借券四十
餘紙近村路無斷梁利無荒宇皆言之力也孫理字簡菴
重然誥敦任恤爲鄉里所重

路坦

字平子精岐黃活人甚衆參苓所濟不索值里人感之
孟祥義

字方亭好施濟收養慕姓子爲成室又助馬姓子完婚

政事

漢

侯 霸

後漢書本傳侯霸字君房河南密縣人也族父淵以宦者
有才辨任職元帝時佐石顯等領中書號曰大常侍成帝
時任霸爲太子舍人霸矜嚴有威容家累千金不事產業
篤志好學師事九江太守房元治穀梁春秋爲元都講王
莽初五威司命陳崇舉霸德行遷隨宰縣界曠遠濱帶江

密縣志卷十三

人物志
政事

三

湖而亡命者多爲盜賊霸到卽案誅豪猾分捕山賊縣中
清淨再遷爲執法刺姦糾案勢位者無所疑憚後爲淮平
大尹政理有能名及王莽之敗霸保固自守卒全一郡更
始元年遣使徵霸百姓老弱相携號哭遮使者車或當道
而卧皆曰願乞侯君復留期年民至乃戒乳婦勿得舉子
侯君當去必不能全使者慮霸就徵臨淮必亂不敢授璽
書具以狀聞會更始敗道路不通建武四年光武徵霸與
車駕會壽春拜尙書令時無故典朝廷又少舊臣霸明習
故事收錄遺文條奏前世善政法度有益於時者皆施行
之每春下寬大之詔奉四時之令皆霸所建也明年代伏
湛爲大司徒封關內侯在位明察守正奉公不阿十三年

明憲帝深傷惜之親自臨弔下詔曰惟爾積善清契祀事九年漢家舊制丞相拜同封爲列侯賜以軍師暴雷功臣未封緣忠臣之義不欲相踰未及傳命奄然而終嗚呼哀哉於是追封諡勳則鄉哀侯食邑二千六百戶子昱嗣臨淮吏人共爲立祠四時祭焉昱後徙封於陵侯永平中兼太僕昱卒子建嗣建卒子昌嗣

張德

水經注張德字伯雅爲宏農太守漢有廟碑塚尙存

明

岳岫

字宗源少嗜學通經容幹魁梧明洪武二十一年舉人材

密縣志卷十三 人物志 政事

三

累官北平右布政使

黃通理

字文中洪武辛酉年十三入邑庠旋食餼試補上舍擢刑部主事永樂中改秦州州判三年上計留辦事刑科擢戶部員外郎奉使交趾占城閱五載晉本部郎中宣德中給誥命賜寶鈔二千貫擢知江西饒州府

黃麟

進士授禮科給事中彈劾不避權勢竟以抗直忤時貴謫永平郡丞大著政聲擢陝西參議分守漢中兼備嘉洛兵民胥戴後改姓楚卒祀兩地名宦

黃縉

進士令金壇戢奸均賦復豪右吞地數千頃值歲歉多方撫字馬從謙撰荒政序謂其出公羨以補正賦願免職以代徵逋又述其上書直指有民無所從出而上必求如常格不過逼之使逃促之就死終無益於國賦而本實先撥寧甘心俛首待罪云云其誠心爲民如此擢南戶部主事直道不阿致仕歸里請於守令毀淫祠建書院教子睦族里人有爭者善言論之

楊聰

字德明涿鹿衛經歷治績丕著擢神木縣尹地僻民囂俗尙武健以文教化之民俗漸變孫言性恬退嚴氣正性不妄言笑亦不與人爭競司訓平虞衛見諸生必整冠帶雖

密縣志卷十三 人物志 政事

三

盛暑不廢

錢浩

博學無方有經濟才舉試江南儀徵主簿政績大著儀人德之

魏蟠

揚州經歷贊政忠勤苞苴不入攝高郵州事廉慎益飭政多寬惠鞭扑不施士民愛之爲歌曰父母育我兮魏使君精神挺兮天上聞

楊承禎

孟震子任肥鄉宛平主簿所在有治聲性孝里人重之稱孝友傳家

國朝

周相

字元輔家貧苦志讀書以進士令湖南湘陰力請蠲免被水懸糧地銀二百有奇民困以甦調龍山乃苗疆新闢為編保甲課農桑興文教禁溺女又捐置育嬰堂再調瀘溪平反多案民歌頌之

李士瑤

字瑞徵以舉人令瓊州感恩縣為海外荒殘邑糧戶不滿四百家舊欠積三千金民既難償官多被斥乃力懇上官停一切雜項多方勸諭不二年夙欠頓清逃亡復業又海南嵐瘴毒人如福建馬泰徵河南梁廷揚湖廣高月旦禹

寧縣志卷十三 人物志 政事

三

州王文學皆沒於任所士瑤哀之捐募數百金各遣役護送還葬

楊樞

性孝博學能文事多豪舉順治己亥特開超貢科命與用科同銓試補推官治聲頗著

楊芳

歷官江西寧州知州興利剔弊人稱慈母

屈正宸

字子恪令雲南羅次捐俸八百金浚青山邵壩池灌民田數百頃又捐修五馬橋百貨雲集遂成巨市民甚德之

張星爛

字明辰令山東清平時屢荒多逋賦奸吏乘間侵蝕尾爛到任剔除奸弊民樂輸將疏鑿馬頰河水不爲害又請於運河多設水夫民得免累

李滋

城武知縣贛直忤時解綬歸

陳杲

字升如以舉人令貴州修文洗冤雪滯循聲卓著晚年思歸乞左遷廣文改補宜陽教諭奉府委登封收漕平斛兌量頌聲載道

鄧隆

以拔貢令直隸滿城一意振刷百廢俱興懲奸猾均徭役

寧縣志卷十三

人物志

三

救災荒繕伍治兵布置有法攝完縣令一如治滿城時以疾卒於官士民哀之

李長安

字西村以拔貢令安徽定遠輕繇薄賦勸學課農定遠人德之請祀名宦祠

張曾益

字魯齋以舉人令四川納谿辦理保寧軍需歷署營山涪州皆有政聲其在涪州鄰邑賊流入境督率鄉勇旬日平之

文學

國朝

韓繼文

字紹之少孤家貧孝事寡母勤苦力學辛巳流寇屠密文被刃仆地忽尸叢中作人言曰此良善舉人勿殺賊驚遁獲免後子姓蕃衍書香累世為邑望族

鄭際夏

按孫徵君年譜作鄭有四誤

字有士篤于躬行不求仕進兄際虞勸以顯揚曰為學自有顯揚處何必功名也孫徵君年譜云密邑鄭有四來學睢州湯潛庵斌登封耿逸庵介中牟冉永光觀祖灤城趙寬夫御衆本邑錢佳選升階先後接迹受業於夏宰之門得理學宗旨

黃在中

密縣志卷十三 人物志 文學

三

字驪山本姓彭少避亂至密黃氏收為子性好讀書不問外事行路必袖書偶憩則朗誦家人進食時當觀書誤及硯硃濡口不覺也赴縣交糧騎驟至中途小憩道旁輒讀書移時驟去久乃覺人多以腐儒目之以舉人教諭舞陽勤其職

錢佳選

字升階標之子康熙乙未拔貢為人醇和簡默孝親而樂善受業夏宰孫徵君之門闡明程朱之學每正襟危坐雖盛暑不去衣冠時同社嵩陽耿介上蔡張沐泗上翁深灤州趙御衆諸公寓其家久敬不衰超化遂為人文之藪

韓完

字伯成一模子資性穎異攻苦歷寒暑不輟坐下足着兩
磚處皆穿弱冠奉親色養備至親沒哀慕終身以丁巳明
通教諭溫縣勤課士子增修學宮年老告歸一馬一僕外
無餘資其清介如此

楊權

字時中恩貢生習理學

韓元燾

字溥菴廩膳生杲之孫也少孤事母孝性聰穎每講論經
書意解超人邑令于君雅重之歲大饑有欲掠取富家粟
者元燾間之力爲陳說利害又使人散其衆事乃止多所
保全子五人壇塏堦俱庠生塏城俱舉人鄉里以燕山五

密縣志卷十三 人物志
文學

三

桂擬之

趙執桓

一字上公少聰穎有器量讀書不屑章句由廩貢任學官勤
考課整士習釋奠讀法必誠必敬所在有賢聲

馬星度

字序柳廩膳生少嗜學寒暑不越戶限明季鼎革懷書避
亂少休則出書朗誦比長受易於族兄鳴鸞尤篤嗜之遂
專心河洛之學精研二十餘年悟其旨歸著有周易暢言
十餘卷

魏陳象

字代繩歲貢生俱之孫詩古文詞皆擅長士林重之

李日乾

字大生舉人少孤貧嗜讀篤愛弱弟與人交不欺然諾

黃溶

字春波歲貢生修武訓導性嗜學尤熟於史傳每同人聚會論証古今掀髯而談上下千百年若河決下流而東注也所教士多獲雋

魏一韓

字聞西歲貢生家貧事親色養無缺暇則手不釋卷其為文伸紙立就屢試冠軍文壇推之詩宗白樂天有真趣

王六吉

字允謙歲貢生善屬文其設教里黨以曲成後學為志門

密縣志卷十三 人物志 文學

早

人家貧者更膳給之及司訓內黃凡童子貧乏不能延師者皆令入署與諸孫共筆硯一時露教澤者甚眾

韓一楷

字式南歲貢生河內訓導書義精邃尤樂汲引後進

錢慥

號東崖恩貢生性至孝常舌耕輦洛間聞母訃痛絕復甦鬚髮盡白日夜馳走二百餘里足腫如繭持喪哀毀幾至滅性五試不售絕意仕進嘗作小墅栽花種竹別有洞天杜門教子以詩酒琴書自娛詩文沉鬱頓挫凌轢古人有

一梅園詩集

黃居中

字中函增廣生氣韻高雅構屋數楹繞以花木日坐臥其間披覽古籍摹臨名帖垂五十年不倦行楷書皆有法度學者珍之

周永錫

字爾極邑庠生六歲失怙痛母孀寡奉事彌篤與弟永言友愛脩至飲食必共族叔祐貧甚永錫以地資給之善息族戚爭好誘掖後進結社爲文貧者助以膏火洎濱諸士多賴成就子徵熊字元卜性沉穆威儀自攝尤重信義教諭襄城能勤其職

馬延祺

字伯修性醇謹事親色養親沒盡禮好學不倦精貫周易

密縣志卷十三 人物志 文學

聖一

著有易經四書講義藏於家

韓發

字子振家貧父以佃爲業發隨父力作暇則讀書數年得入泮與人交有始終生平一言一笑無少僞飾

慕韓

字小韓廩膳生博洽淹貫著有四書講義授徒善爲啟牖多所成就

錢九府

號南浦

欽賜學錄孝友剛方學問淹博尤工于詩書畫亦爲人珍重
錢九韶

一名九同字太和號南淳歲貢生少穎慧日誦數千言出語輒驚其長老詩賦名重一時陳未齋宮詹程魚門太史皆同聲嘆賞五旬後絕意功名與兄南浦飲酒賦詩極壘篋之樂主講檜陽書院多所成就著述甚富惟南淳詩賦文集已付梓其河岳集研來齋雜記等書皆藏於家

楚 澧

字江波歲貢生操履端謹遇人有過輒面規之族黨皆嚴憚敬服授徒里中從遊者至學舍不能容訓導孟津時年已逾八十月課諸生猶必作文示之

楊貢瑤

舉鄉飲賓有厚德士人多沐其教澤

寧縣志卷十三 人物志 文學

望

周 捷

字南宮家極貧賣柴為生負薪赴市而讀書不輟年四十八始入泮天性孝友凡事以身先之一家之中雍然秩然

周 式

字天培邑庠生事母孝性介善書法片紙隻字人皆珍之

蔡 靖

字正夫副貢生勤苦力學教人不少假借弟子皆嚴憚之

王淑顏

字心齋歲貢生孝友醇謹暮年教子弟日習禮義講白鹿洞學規歌西山先生良知詩曰此為人之要也丙午秋病劇從容曰聊乘化以歸盡樂夫天命復奚疑少頃憑几而

逝孫長齡字彭年辛酉科舉人博覽古籍留心掌故著有
密縣志輯遺又嘗遍徵貞石詩文欲葺亭覆之事竟未
果

張烜

字熙止歲貢生孝友寬仁好學不倦常有盜入室家人執
之跪堦前烜曰窮民耳可遣去善波黃病者投之輒效子
基年增廣生詩文有名亦精醫術

傅一經

字子授恩貢生績學敦行精醫術

錢永齡

字又彭邑庠生講學以濂洛為宗論文以王唐為則

密縣志卷十三人物志
文學

三

王銓

字遴卿敏而好學事親色養及歿見手口澤輒泫泫淚下
著有植槐堂文集二卷詩集一卷藏於家

王曰焜

場屋增燈遂澹忘名利考稽遺文熟悉古禮為閭里典型
與人接直諒和易終身無忤物之色

陳博

字廣聞邑庠生好學端品常守敬恕有爭者就質皆愧服
鄉黨化之

馬朝聘

字君選邑庠生著有崇實錄論語講義周易正義等書又精

岐黃著資生靈通五十七卷

孟津

字星源賦性遲鈍十五六時奮志讀書嘗以不能悟爲憾憤欲自縊人救得活語人曰人皆能讀書我何不能也由是志益勵尋入庠食餼學極富士類仰之教人以立品爲先終日正坐身無倚側

朱佐清

字輔公邑辛生好學家貧無油焚香照讀終夜不輟及兄弟析居日詩書從吾好田產歸弟兄里人義之精於易卜筮如神

王清

密縣志卷十三 人物志

國

字介亭家徒四壁糟糠不厭慕薛文清王陽明爲人以克治自勵不規規爲章句之學雖數應童子試於得失淡如也授徒二十餘年多所成就後以母沒不勝哀卒

韓燠

字秀夫少孤母病劇一晝夜鬚盡白見者憐之性聰穎過人書不再讀年十四入庠旋食餼五十餘始領鄉薦授徒因才善誘知名士多出其門與人交渾厚和平望之藹然親之如飲醇醪又精堪輿擇地建文峯塔文風果盛髦年猶手不釋卷卽扶杖逍遙咏吟之聲亦不絕口

韓城

字哲之舉人性孝友

爲文卽見賞於秦大尹陳宮詹

三主檜陽書院講席生徒多知名士司鐸鹿邑日與諸生談詩論文娓娓不倦嘗以病乞歸諸生集明倫堂者百餘人再三懇留乃留二年部推知縣不就居邱園構書室數楹課徒教子以終

李元滬

字舒園號鶴坪以舉人任汲縣訓導擢湖南清泉令有政聲少孤銳志績學閱覽強識在署少暇輒苦吟不輟平生著作甚多尤邃於詩著有鶴坪詩集滇海聯吟香雪亭咏史藁行於世

張森吉

字列璋生而穎異幼卽善屬文又精岐黃父母有疾必親

密縣志卷十三 人物志 文學

五

製方父病篤日夜不離側鬚髮盡白以舉人授光州學正崇文教勵士節嘗勗人曰讀書須躬行實踐美言欺人德之賊耳

陳景楷

字聖林增廣生學通古今號稱淵博教授里中悉遵白鹿洞學規

劉永綬

字康侯恩貢生性謙和喜怒不形於色晚年設教雲巖宮從遊甚衆

錢克配

字育德有孝行家貧如洗藜藿短褐無愠色早歲入庠誦

讀忘晝夜知名士多就質焉著有四書集義十二卷

錢可久

字萬徵邑庠生性高潔不履市廛不妄交接善小楷喜清談高歌有晉人風味嘗得一麻子石題曰子貌如吾陋余心似汝真箇中相賞處不與世間人其風致如此著有萬芝堂詩草

錢青簡

字史章聰敏異常五歲通孝經七歲能詩賦十三入府庠性孝友過庭問禮之暇危坐吟誦經年不出戶庭著有竹堂小草其除夜句云喧傳柏酒人辭歲靜對梅花我閉門其論文句云但將骨力存真體不假丹鉛媚世人可想見

密縣志卷十三

人物志
文學

異

其爲人矣惜不永於年未大成就

牛文光

字星漢幼爲僧穎悟過人稍長專力攻書乃棄釋歸儒補博士弟子研窮經旨及近思錄諸書終身不倦

錢玠

字衛公家赤貧炊煙屢斷晏如也爲諸生時惟鬻餅揀柴以自給而書聲時達戶外後訓導夏邑粗粥淡齏分外脂膏毫不染指

周繩文

字憲章性嗜學手不釋卷釜庾雖虛不計也以舉人教諭羅山訓諸生務實行嘗謂之曰人不識孝弟二字讀書萬

卷猶目不識丁手錄經史有關倫理者彙爲一集時與講論勸勉以四知自警

陳廣基

字心田歲貢生積學力行品詣端醇從遊甚盛嘉慶癸酉歲饑監東鄉粥廠未嘗刻離日卽食廠粥數甌諸子以餅餒餉却之曰吾不忍獨美食也疾亟以不得終廠事爲恨戒其子沒卽殮廠中俟事竣移柩歸其尙義至死不移如此著有汗齋文集

武功

明

劉先

密縣志卷十三人物志

武功

四七

字光祖少負大志有膽畧元末大亂募民兵以圖匡濟義旌所向罔不克捷以功畧陞平章政事鄭國公元亡知天命有在洪武初率所部來歸從鄂國公常遇春信國公湯和收河北諸郡西戡晉絳敗王保保兵復從丞相魏國公徐達克陝西秦鳳環慶諸州已酉入覲授驍騎前衛指揮僉事明年復從征迤北調驍騎左衛又調茶陵衛加授廣威將軍調征雲南所至身先士卒大小五十餘戰俘馘甚衆雲南平置烏撒衛指揮使司陞爲指揮同知鎮之時治所新設涖事精勤撫治有方遠近悅服誥授懷遠將軍卒贈驃騎將軍左軍都督府都督僉事子孫俱爲時名將

黃孟英

少有武勇累立軍功元至正間授武德將軍鎮守泗州萬戶府萬戶

劉廣

先長子襲父職義勇過人屢立戰功歷官驃騎將軍左軍都督府都督僉事宣德三年總戎甘肅領符節佩平羌將軍印鎮守諸番大著威望

劉傑

廣之子襲甘州左衛指揮同知天順中于莊浪涼州屢獲戰功生子晟晟子經綸綸子勳俱襲本衛職在邊鎮守

張問明

字鑑空廩膳生智力絕人饒有方畧當明季土寇蜂起鄉

密縣志卷十三 人物志 武功

吳

里謀所以禦難推問明主其事捐貲築寨于超化募鄉勇守之邑中士民及鄰封紳衿聞而歸者萬家土寇李際遇百計攻寨問明不動聲色却之義聲既振闖寇亦懾其威望故十四年破密屠戮欲盡而邑南無恙問明之力也撫按以異相雄才文武兼資奏其功有旨准廩貢後鎮守慕其義勇資以參謀授參將銜鎮守密縣食德之家至今謳思不忘子四澍澍瀚濟皆為名諸生濟字公注孝友慈和雖質擅兼人之勇不自知也舊居超化寨頂地隘移居金花泉北村村中凌競之風為之一變眾愛重之即秘語無敢道其名者病革里人奔禱城隍廟願各減已算以為盛德壽其為人所慕悅如此

錢 頌

字養冲周府儀賓有奇勇胆畧過人明末分守超化寨寇
敵莫敢仰視近村稼禾多被土賊搶掠頌左右巡視人得
芸獲自如

丁仲章

字獻庭少負大志有胆畧及長習勇兼備闖賊入密章提
身鬪殺賊甚多

鄭樂密

行二武藝絕倫里人呼爲二老虎崇禎末土寇李際遇叔
某奉際遇命抄畧鄉村路過喬溝溝窄狹蓬蒿充塞馬不
能並行樂密乃負鈎鏃鎗伏伺賊橐載魚貫而過賊首李
某至卽躍起持鎗鈎其項以刀斫之後經登封劉背坡際
遇巢穴大叫曰雁過留聲人過留名賊聞然出樂密力戰
竟死於亂箭之下

密縣志卷十三 人物志

武功

完

楊線匠

在張鑑空門下善鎗法能刺人之眉而人弗覺嘗與人戲
賭持鎗登場往還久之笑謂其人曰輸矣其人舉手捫之
而眉已無後大病新痊與李際遇駭賊戰於河干適盛落
髮掩其面自分不能脫遂以鎗自刺脣而死鑑空門下勇
士死於難者惟楊線匠一人餘皆善終

流寓

漢

韓融

後漢書本傳董卓之亂潁川韓融將宗親千餘家避亂密西山中荀彧謂父老曰潁川四戰之地也天下有變常為兵衝密雖小固不足以捍大難宜亟避之鄉人多懷土不能去

鍾皓

後漢書本傳字季明潁川長社人也為郡著姓世善刑律皓少以篤行稱公府連辟為二兄未仕避隱密山註密縣山也以詩律教授門徒千餘人

三國

楊俊

密縣志卷十三 人物志

五

三國志本傳字季才河內獲嘉人也受學陳留邊讓讓器異之俊以兵亂方起而河內處四達之衢必為戰場乃扶持老弱詣京密山間同行者百餘家俊振濟貧乏通其有無宗族知故為人所畧作奴僕者凡六家俊皆傾財贖之

晉

閻鼎

晉書本傳鼎字台臣天水人也初為太傅東海王越泰軍轉卷令行豫州刺史事屯許昌遭母喪乃於密縣間鳩聚流人數千欲還鄉里值京師失守秦王出奔密中司空荀藩藩弟司隸校尉組及中領軍華恒河南尹華蒼在密縣建立行臺以密近賊南趨許穎司徒左長史劉疇在密為

塢主中書令李暉太傅參軍驍捷劉蔚鎮軍長史周顛司馬李述皆來赴疇

荀崧

晉書本傳泰始中詔以崧代兄襲父爵補濮陽王允文學與王敦顧榮陸機等友善趙王倫引為相國泰軍倫篡轉護軍司馬給事中稍遷尚書吏部郎太弟中庶子累遷侍中中護軍王彌入洛崧與百官奔於密未至而母亡賊追將及同族散走崧被髮從車守喪號泣賊至棄其母尸於地奪車而去崧被四創氣絕至夜方蘇葬母於密山

褚翬

晉書本傳字謀遠陽翟人太傅哀之從父兄也父顧少知

密縣志卷十三 人物志 流寓

至

名早卒翬以才藝楨幹稱襲封關內侯補冠軍參軍於是長沙王又擅權成都河間阻兵於外翬知內難方作乃棄官避地幽州後河北有寇難復還鄉里河南尹舉翬行本縣事及天下鼎沸招合同心將圖過江先移住陽城界明年謀東下道阻不得進因留密縣司隸校尉荀組以為參軍廣武將軍復領本縣督新城梁陽城三郡諸營事

唐

盧照鄰

唐書本傳照鄰病去官隱具茨山下手足攣廢乃著幽憂子十卷自以當高宗時尚吏已獨儒武后尚法已獨黃老后封嵩山聘賢士已已廢著五悲文今在集中嘗自號幽

憂子

宋

歐陽修

按文忠公墓今在密新之交學政全書公之後裔奉祀生仍系廬陵密新兩縣俱無例案

字永叔謚文忠廬陵人文章政事載宋史本傳

按文忠寓密當在熙寧四年以太子少師致仕後其中子
棐曾知蔡州故卜居於密歟墓在邑東三十里旌賢鄉子
孫世取一人為奉祀生明鼎革禋祀幾廢知縣王珪訪知
有裔孫復旦為申請奉祀得以光復舊典云

晁冲之

具茨集序紹聖初被謫遂颺然棲遁于具茨之下號具茨
先生

密縣志卷十三 人物志

三

張晉卿

王圻稗史新鄭人宣和間進士有文名執政愛其才屢招
之仕晉卿將應之其妻丁氏文簡公五世孫也美而淑勸
之曰外間時勢洶洶豈士大夫致身時乎張乃止相與偕
隱大隗山未幾遇靖康之變寇有聞丁之美者遣數十騎
劫之丁不從挾之上馬丁投地曰我寧死不辱也寇始亦
不怒屢扶之丁大罵遂怒殺之

金

元好問

金史本傳字裕之號遺山秀容人登進士歷官尚書省左
司員外郎河南密開國子由汴梁至密寄棲超化寺詩酒

白娛後入嵩山集金源君臣遺言往行凡百餘萬言名野史

明

翁深

字藏若本姓閻名爾梅號古古沛人明季鼎革後遨遊海內嘗寓密之超化有文集行世

趙御衆

字寬夫灤州人明鼎革携家來密居超化寨十載所交皆一時名公鴻儒每出遊必滿載書籍歸一覽成誦旋即棄去善詩文尤工行楷書學者寶之其子虞羲字時占亦工書後終於郊

密縣志卷十三 人物志

五

靳於中

字爾時尉氏人幼有至性博學善屬文萬曆戊戌進士衡文山左脩兵遼東皆有善政歷官工部尙書以養親告歸築別墅於大隗山所稱靳寨是也鑿池種竹揮翰賦詩與阮徵君漢聞相娛樂遂籍密焉子滋昂負奇質以聖賢爲可學弱冠悟性命大旨公喜曰爾超我一等矣山居日以存神養和爲事當流寇猖獗往來寨下戒不敢犯四方避兵者存活以數萬計著有庸行直義參同易測諸書行於世及卒閭里爲罷市門人謚貞惠先生後十年土人思公父子之德復爲立祠至今祀之

阮漢聞

字太冲順天人。有文章經濟才。明末見天下方亂。絕意仕進。後尋嗣宗。派徒尉氏。閉戶著述。屢徵不出。海內士大夫慕道從遊者。日益衆。因避囂。復隱於大隗山。自號大隗山樵。

楊思聖

字猶龍。號大陸。雪樵。歷官河南布政司詩賦書法冠絕一時。解組後。寄居超化。若同友人。登高臨流。揮毫賦詩。徜徉自得。見者不知其爲本省大吏也。

韓原澹

字發之。盧龍人家。世貴顯。簡澹寡交。遊常正冠。匡坐或語以世法機事。不解。謂何人無少長貴賤。皆推誠待之。甲申

密縣志卷十三 人物志 流寓

五

變革後。盡棄其田產。携家隱大隗山。臨終命子歸葬容城。孫徵君奇逢爲之誌銘曰。謀不在食。憂不在貧。人以爲定論。萊陽宋琬有韓隱君傳。子鼎業。平生慕魯仲連。田子春之爲人。讀書不事章句。所交盡當世賢豪長者。避地山居。躬耕。習勤苦。晏如也。嘗過太陽山。見李崆峒先生墓。爲盜掘。伐卽裹糧。率家僮收葬。海內知名之士。莫不高其義焉。

禹好善

字存誠。原籍汜水。別墅在密天資穎異。以進士任河間武昌兩府司李。行取御史。不避權倖。章疏凡三百餘。悉關國是。單騎經營。漕運按山東。直隸督修陵工。賜紵金。終掌

京畿道以朝士多黨致仕歸遂籍於密

國朝定鼎累薦不起卒葬密南百栗溝父墓之左子甸副貢
謨歷官禮科給事中掌登聞鼓事正色立朝抗直敢言有
蹇諤之風

溫源

字憲之蒲坂人仕至河南道監察御史以剛直忤時退隱
超化碧之白雲莊與一時諸名儒相倡酬題贈甚富里人
稱爲雲莊先生

陳邇穀

錢佳選家塾師也字孔恕失其爵里嘗在大梁書肆間值
所識當道過呼之不應乃趨執其手曰何絕人太甚也亦

密縣志卷十三 人物志

垂

不答當道囑書賈勿令引去移時步至肆問訪之書賈曰
陳先生固不可留遺有一詩當道取視慚愧而去其詩有
而今幾個奇男子留得三春不嫁人等語

蘇明葵

新鄭志字中倫新鄭人性敏毅弱冠廩於庠明季避亂密
縣五里店流寇鍾葵秋率衆攻寨明葵偕衆守禦甚力俄
寨破賊偉其材迫脅使從明葵不屈擁至紅沙河踞地大
罵遂被殺

崔允豪

鄭州志字與文尉氏人性義俠八歲愛劍術學射及孫武
司馬韜畧以劇孟郭解自許崇禎中李自成寇河南允豪

奉母從新司空阮太冲張林宗避地大隗山出遇異人授
堪輿別傳周易秘旨往往試如神

國朝

王岱

字次峰里居無考爲人高潔無侶屏迹超化村諸名公題
四皓圖多贊其事岱獨薄之詩曰豈爲商山芝已無故隨
車馬入皇都一時俱別商山去羞見人間畫此圖又曰人
孰焉能食野雞與言四皓我心悲料爾山中千萬局總無
一着是高棋其夷然不屑如此

仙釋

上古

密縣志卷十三 人物志
仙釋

五

大隗真人

莊子昔黃帝將見大隗乎具茨之山方明爲御昌寓騷乘
張若謂朋前馬昆闡滑稽後車至於襄城之野七聖皆迷
適遇牧馬童子問塗焉若知具茨之山乎曰然若知大隗
之所存乎曰然黃帝曰異哉小童非徒知具茨之山又知
大隗之所存請問爲天下小童曰夫爲天下者亦若此而
已矣又奚事焉予少而自遊於六合之內予適有瞽病有
長者教予曰若乘口之車而遊於襄城之野今予病少痊
予且復遊於六合之外夫爲天下者亦若此而已予又奚
事焉黃帝曰夫爲天下者誠非吾子之事雖然請問爲天
下小童辭黃帝又問小童曰夫爲天下者亦奚以異夫牧

英

馬者哉亦去其害馬者而已黃帝再拜稽首稱大師而退

上成公

後漢書密縣人也其初行而不還後歸語其家曰我已得仙因辭家而出舉步漸高良久乃沒陳實韓韶同見其事

蘭公夫婦

名勝志邑人死化為雙鶴飛去今岩下有石相偈形如雙

鶴

卜成

四竹堂紀異密縣有卜成者身遊九山之上放浪不拘之鄉山即鞏縣之九山有廟碑晉永康二年立其文云九山

密縣志卷十三 人物志 仙釋

五

府君太華元子之碑

唐

風道士

雲遊海島有吸風飲露之術後入超化寺有鸞題度化碑記其事文多不可句讀

宋

信公和尚

仁宗披度僧也幼聰慧博聞善悟往往絕塵凡想弱冠遊東都偶從婁道者講涅槃經即洞徹禪旨雖宿望老僧莫能難仁宗雅重之為建聖壽寺於密遂祝髮焚修其中卒證上果

元

仁公和尚

奉勅主超化寺通徹釋氏源流能詩

明

藻鑑禪師

偃師人姓張法名道衡少業儒稍長讀釋氏書恍然有所覺遂投少林寺祝髮焉後雲遊於杭閱藏經見梵本心經云超化寺有佛舍利仍有金花靈源暗通西域阿耨達池因逃禪此寺不復出尤善風鑑每有品題無不中邑人尊仰之號藻鑑禪師

鐵佛寺老僧

密縣志卷十三人物志
仙釋

五

名洪權號大畏密曲梁馬姓子生于萬歷間入鐵佛寺為僧崇禎末亂其父母歿葬畢遊五嶽及名山勝地

國朝順治五年始歸寺常買物放生遇畜產亦未嘗以惡語相加每行必持鉢携鉢遇白骨呪而埋之或盤膝端坐數日夜不火食康熙間端坐而化鼻珠下流至足一手上握神氣如生其父鄭之青龍寺小僧見其趨入佛殿又有遇之邑西者問其何往答以西去

國朝

元禧和尚

江南宜興縣人俗姓董明禮部尚書董其昌四世孫也流寓超化寺樂其風土遂披剃焉博通儒書長於堪輿

續訪

韓時行

字應天以副貢教諭原武能舉其職嘗值河朔旱蝗奉委監粥廠勤慎不怠又嘗見民車應差苦累爲白當事定輪轉法原人德之孫維屏舉人

王玉光

字聖輝精青烏學爲邑訓術性友愛處鄉黨間能排難解紛

王國樞

字廷極性孝父母老病竭力扶持數年如一口設教里中多所成就

翟逢午

字明辰事父母以誠敬教子孫以禮義又能勤苦節齋濟困扶危

寶縣志卷十三 人物志

五九

楊克惠

邑增生家極貧勤學弗輟立品嚴正誦讀外無餘事有訟獄者入其宅雖親朋亦必擯斥之故居城市間終身無片紙入衙其子儒珍後中庚午鄉試

鄭 郃

字祥發邑庠生明季獨出貲財修寨於岳村北梁家村招里人居之賴以安全

呂逢泰

字啟元國學生平生寬厚慈祥待人以恕乾隆二十二年河決逃民絡繹糧價湧貴里人困乏出其資衣食之多賴以全活至今子孫書香不絕咸以爲忠厚之報云